

明英宗實錄

卷一六二至一九〇
正統十三年正月至
景泰元年三月

大明英宗睿皇帝實錄卷之一百六十二

正統十三年春正月戊子朔 上詣 奉先殿 皇太后宮行

禮畢出御奉天殿行受朝賀大宴文武羣臣及四夷朝使 皇

太后 皇后免命婦朝賀 己丑文武羣臣朝親王於奉天門

東廊 庚寅 宣宗章皇帝忌辰遣官祭 景陵 宣府總兵

官都督楊洪等奏河南都司各衛所原調操備馬步官軍三千

餘人止屬都指揮僉事王營管東宜令弘農衛指揮僉事梅凱

爲之協助遇警分遣出禦從之 癸卯衛達子忽剌出等男婦

十八來歸命萬頭日月給米二石遼東廣寧衛居住賜綵幣表

裏布絹鈔定房屋器皿等物 日生左右珥色黃赤鮮明 癸

巳孟春 享 太廟 遣中官祭司戶之神 賜藩世子幼壻

清源王幼圻遼山王幼璽儀仗等物 勅南京守備豐城侯李

賢叅贊機務兵部侍郎徐琦等已廢曹國公李景隆家屬增杖
等男婦大小三十八名拘繫年久人情不堪茲特推恩悉加寬
釋令於所居閒住聽其出入生理其男女聽與軍民結嫁娶
薪米之類悉皆住給 甲午以大祀 天地 上御奉天殿誓
戒文武羣臣致齋三日 陞神策衛指揮使張輶為都指揮僉
事於錦衣衛帶俸 乙未遣永康侯徐安等為正使尚寶司丞
凌壽等為副使持節冊封淮世子祁鈐為淮王代世孫仕壻為
代王晉王第三弟鍾鐔為河東王第四弟鍾鏐為大谷王武昌
護衛指揮同知翟政妹為楚府大治王李堧妃東城兵馬趙智
女為瀋世子幼壻妃北城兵馬副指揮徐忠女為稷山王幼壻
妃各賜冠服等物 丁酉大祀 天地于南郊 上還謁
皇太后畢出御 奉天殿文武羣臣行慶成禮 吏部尚書王

直等奏臣等奉命會同都察院考察天下司府州縣等衙門朝
覲及在任官員右布政司等官彭遠等三百四十五員俱老疾
當致仕典史等官叢泰等二十一員俱聞革知府等官駱暹等
五員俱貪污知縣等官張鏞等三員俱酷刑驛丞王時柔儒當
黜爲民按察司等官孔文英等一百三十一員俱爲事宜移文
法司究理從之 故平江伯陳瑄有濟河功清河縣民爲立祠
祀之祠甚隘至是瑄子儀以舊祠隘小奏徙他所廣其制從之
戊戌以大祀禮成 上御奉天殿大宴文武羣臣及四夷朝
使 給永興王子輔國將軍公錡公鈴公鎧歲祿各八百石米
鈔中半支給女監屋都君儀賓范麟歲祿共四百石米二百五
十石折色一百五十石鄭府新安郡主儀賓周漁祿米亦如之
陞考郎兀衛正千戶兀的哥憐毛衛副千戶阿的納俱爲指

揮僉事命故指揮同知不得納子歡察指揮僉事苦女子阿給
哈鎖奴子阿哈達州左衛指揮同知扣你赤子灘納哈亦里察
河衛指揮僉事咬納子祺哈阿古河衛指揮僉事克能哥子亦
籠哥卜魯兀衛指揮僉事台改你子木答考郎兀衛指揮僉事
木答哈孫塞魯黑俱襲職 吏部奏朝覲官直隸太平等縣廣
西上林長官司典史把事人等一十四人俱失期後至又有在
途稱病官吏二十九人被盜遺失本冊官二人丁憂官吏一十
五人稱考滿官一人逃回吏一人反失期未至府州縣諸衙門
八十一處俱當究治 上曰中途逃者令巡按御史逮治餘俱
宥罪移文責令知警 給迤北公幹官軍一年糧料內米一月
餘俱折布絹 賞安陸衛後千戶小旗劉廣等三人銀二兩
布二匹以麓川攻克上江刀招漢寨功也 己亥六部六科十

三道等衙門各具本劾奏朝覲官浙江左布政使等官孫原貞等或庸懦不振或誅求無厭或倚法以爲姦或矯情以干譽俱當治罪以警後來 上曰孫原貞等不稱任使論法本難容今姑記罪即令還任用心治事以贖前愆若再犯必罪不宥 庚子勅通政司右叅議鄒來學曰叅聞薊州林南等倉山海等衛所永平府等州縣喜峰等關口收支糧草作弊侵欺者多屯田亦被豪勢侵占欺隱有名無實遵化薊州隣山之地產榛實豪勢者亦據之而與小民爭利今特命爾往蒞其事如有姦頑怙終不改者拘問懲治爾宜廉潔公勤凡事從宜區畫務使軍民利便糧餉充盈庶副委托之重 禁口北一路不許將弓箭軍器與虜使交易違者處死 禮部尚書胡濙等奏廣西太平府太平州頭目黃貴齋捧 聖節冬至表文過期宜罪不收 上

持宥之 陝西瞿曇寺大國師喃葛歲卜鞏昌有妙華寺刺麻
剌巴領占兆州衛國成寺番僧桑哥呈吉四川山藩松衛丕地
等寨番僧捨勞先結等各來朝貢舍利馬脫及方物賜宴并絲
幣表裏等物有差 陞迤北瓦剌使臣都指揮同知皮兒馬黑
麻爲都督僉事指揮使納哈歹捨黑咱賽夫刺俱爲指揮僉事
指揮同知阿老丁阿撒阿黑麻舍黑麻黑麻俱爲指揮使指揮
僉事約里把亦不剌金俱爲指揮同知正千戶李羅伯藍火只
七人爲指揮僉事 辛丑朵顏衛達子火兒赤台等男婦六人
來歸 上命爲頭目月給米二石隸南京錦衣衛賜絲幣表裏
布絹鈔錠房屋器皿等物 壬寅上元節宴武文百官賜假十
日 天下朝覲官員回賜之勅曰朕承大統夙夜祗懼惟體
天地 祖宗之心安養斯民用圖化理然猶未臻其極豈政教

有未盡洽歟抑親民者數宣王之未至歟爾等繼今益務洗乃心勵乃行奉法循理爲長僚者正己以率下居屬任者殫心以從事庶幾副朕圖治之意夫民必務耕桑而後衣食可足必循禮義而後俗化爲淳書曰食哉惟時又曰資富能訓王政之大莫先於此爾等尚懋乃攸績朕惟汝嘉如或因循玩愒害政害人責有攸歸於予爵賞刑罰國家之大典福禍予奪天道之至公皆人所召朕不敢私爾等其敬慎之 琉球國王中山王世子尚思達遣使臣者閩班那哈密忠順王倒瓦答失里遣使臣鬼里赤亦力杞里等地面亦迷力火者王遣使臣宰奴丁海西塔山等衛野人女直指揮永的達州女直都指揮召歹羊加達東安州達官指揮苦失帖木等俱來朝貢馬駝銀鼠皮方物賜宴并賜綵幣表裏絹布鈔錠等物有差 戶部奏去歲山東河

南并直隸府州縣多有蝗蝻今春恐移種復生其山東河南宜令都布按三司各委堂上官分巡嚴督南北直隸宜令巡撫官無巡撫官處遣在京堂上官分巡嚴督軍民官司尋掘撲滅上曰所請良是其無巡撫官處不必遣官第各委所司庶不擾人刑部奏山西都指揮僉事陳亨張瑄擅補所部一考吏仍舊役違例宜命巡按御史逮治從之乙巳書優渚王信燁曰承喻府中止有與膳正楊音其餘承奉等官皆缺請以音及年深內使何保等九人補之特從叔祖所言陞楊音為承奉正授何保阮吾俱為承奉副梁成為典膳正黎乏為典膳副范巨為典膳正張能為典膳副張神保為典寶正黎蘭為門正楊福全為門副令各就職供事勅諭建州等七十五衛所都督同知李滿住等及大小頭目人等曰比聞北虜屢遣人來爾處怵誘

今若再來爾等即明白說稱爾野人女直係朝廷開設衛分世受節制不敢擅為若彼生事爾即設法擒送遼東總兵官奏來處治朝廷論功行賞必不吝惜敢有輕聽所誘私通夷虜引寇為患必調軍馬勒殺不宥 丙午夜火星犯房宿北第一星

丁未廣東廣州左等衛補造軍器多不堪用提督邊務右叅政鍾祿劾奏都司并總督備委都指揮同知李昇等及該衛官罪上命巡按御史究治宥備倭官不問 戊申復除吏部考功

司郎中李賢於文選司以丁憂服闋也已酉復設貴州鎮遠府稅課司置大使一員 庚戌朵顏衛達子 刺答兒并伯都等二十六人來歸 上命為頭目月給米二石隸南京錦衣衛賜緡幣衣束布絹鈔房屋器皿等物 免直隸廣平府廣平縣去歲被災稅糧一千二十餘石 雲南澂江府新興州奏本州人

少地多被雲南左等五衛豪強官舍軍餘占種一辦糧差又有強以私債准折民田不聽歸贖者奏下戶部請行雲南都布二司勘實懲治從之 辛亥初大同左叅將都督僉事石亨朝廷簡命內外重臣共守邊境今爾聞聲息領軍出巡總兵鎮守官武進伯朱冕太監郭敬既不肯奏又嗔怒爾其曲昭然在彼已違初切責之爾今亦宜與冕敬和睦商確行事蓋古之良將不惟才智過人而實德行可重故能建立勲業其以古良將為心用圖遠大副朕至懷 四川掌茂州事右叅議陳敏奏按察司曹泰杖死夷人下泰判郭微論當斬泰言敏嘗誣其判官秦景覺魅事囑鎮守右僉都寇深逼已入景罪不從深敏以故憾已取父亡蠻人無尸者媒成已罪乞調問大理寺卿俞士悅等以例有訴冤別問之條為悉其狀以請 上不從 壬子述北瓦

刺使臣皮兒馬黑麻等陛辭 上賜之勅仍遣指揮馬政等齎
綵幣等物賜其脫脫不花王并太師也先等 擢行人甘澤馬
江西道監察御史以問刑都察院考稱故也 先是魯王馨輝
妃薨奏留護衛運糧軍造墳朝廷允其請命於濟寧等衛所撥
軍補運至是墳已久完各衛訴差役繁重且平山東昌衛連官
數多乞量存軍守備仍以護衛軍備運從之 四川長河西番
人及琉球國番伴相毆會同館門外有重傷者事聞 上命毆
至死者抵死 癸丑陞廣西按察司副使胡智為布政司左布
政使智九載任滿以總兵官安遠侯柳溥等奏保故陞之 聞
設陝西岷州衛陰陽醫二學置正衛正科各一員從都指揮僉事
后能奏請也 直隸河間保定二府各奏橋梁驛路被山水衝
壞乞發軍民相兼修築從之 初宣府總兵官楊洪未諱廣紀

館待凡刺回還使臣護送出境 甲寅慶王秩燿以賜佛道藏經及護持欲來謝恩 上復書止之中書舍人劉鉞丁憂于家鄉人與其家相訐不法事爲所連及命巡按御史逮鞠之 勅沿邊總兵官武進伯朱冕等謹守邊疆以緣邊報有烟火慮賊窺伺也福建邵武府民王貴鄭是田志和廣東肇慶府民嚴亞福葉李昌楊伯潤楊曦邵武衛百戶賈能各出穀十石有奇賑濟 上俱賜勅褒諭之 乙卯南京禮部右侍郎金問卒問字公素蘇州府吳縣人永樂初以善書進久之授司經局正字仁宗在東宮時喜其字有格法後坐累與黃淮楊溥繫獄十年仁宗即位陞翰林修撰每論時政得失皆見采納宣德乙卯進太常寺少卿兼翰林院侍讀學士正統癸亥調南京太常寺明年陞禮部右侍郎至是卒遣官祭葬問性孝友能爲文尤長於

詩雖爲學士而供事他所故翰僚友多不與之合云

大明英 唐皇帝實錄卷之一百六十二

大明英宗睿皇帝實錄卷之一百六十三

正統十三年二月丁巳朔釋奠先師孔子遣戶部右侍郎兼翰林院學士陳循行禮 勅諭哈密忠順王倒瓦答失里及管事大頭目人等曰昔我 皇曾祖君臨大位爾祖之叔安克帖木兒首先率義來朝特封忠順王錫以金印命管治哈密人民保禦邊境其後爾祖脫脫承襲王爵克效忠勤特命守把西階後門緝探外夷聲息恩待尤 速爾父卜答失里及爾嗣爵以來遣使朝貢恩賞愈加爾宜盡心補報凡外夷來朝貢者必護送之母令所失其有狡黠之徒詐誘良爲非者悉拒絕之庶見爾之忠誠前歲撒馬兒罕等處來朝使臣回至爾處不即遣人護送却縱令無知之人潛通瓦剌拘留使臣奪取賞賜揆之大法當摘治示衆今姑不問爾等自今宜各效忠誠謹守法度若違